



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77 հեռ. 010 51-29-53 էլ. hsaugt patrol-service@police.am

N 91/6833

< 28 > 04 2022թ.

Գուրգեն Մելքոնյանին
Հասցե՝ ք. Արթիկ, Անկախության փ. 1 նրբ. 32 տուն

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8200135094 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ < 2 > > թերթ:

Պետի տեղակալ,
ոստիկանության գնդապետ՝

Ա. Մաթևոսյան

կատարող՝ Ա. Պետրոսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 25.03.2022թ-ին կայացված 8200135094 որոշումն անփոփոխ թողնելու և բողոքն առանց բավարարման թողնելու մասին

« 28 » 04 2022թ.

ք.Երևան

ՀՀ ոստիկանության պարեկային ծառայության պետի տեղակալ, ոստիկանության գնդապետ Ա.Մաթևոսյանս, վերանայելով Գուրգեն Մելքոնյանի (Այսուհետ՝ դիմող) դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

25.03.2022թ.-ին՝ ժամը 21:20-ին Երևան քաղաքի Հր. Քոչար փողոցում քաղաքացի Գուրգեն Մելքոնյանի վարած «Կիա» մակնիշի 36 ՍՊ 538 հաշվառման համարանիշի տրանսպորտային միջոցի տեխնիկական վիճակի զննություն անցած չլինելու փաստը արտացոլվել է ՃՈ Էլեկտրոնային ռեգիստրում (իրավական հիմք՝ ՀՀ կառավարության թիվ 1251-Ն որոշում), ինչի հետևանքով ՀՀ ոստիկանության պարեկային ծառայության Երևան քաղաքի գնդի 1-ին գումարտակի 1-ին վաշտի պարեկ Արման Գրիգորյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կայացվել է թիվ 8200135094 որոշումը՝ վերջինիս 20.000 ՀՀ դրամի չափով տուգանելու մասին:

Դիմողն իր կողմից ներկայացված բողոքով խնդրել է բեկանել թիվ 8200135094 որոշումն՝ այն պատճառաբանությամբ, որ տրանսպորտային միջոցն անցել է տեխնիկական զննում և ներկայացրել է տեխնիկական զննության 0148042 համարի կտրոնի լուսապատճենը:

Դիմողին ուղարկվել է ծանուցում վարչական լսման օրվա և ժամի մասին, սակայն վերջինս չի ներկայացել և չի ներկայացրել 0148042 համարի կտրոնի բնօրինակը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 25.03.2022թ. կայացված թիվ 8200135094 որոշումը ենթակա է կատարման հետևյալ պատճառաբանությամբ.

«Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն՝ օրենսդրությամբ սահմանված կարգով տեխնիկական զննություն չանցած կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկի առկայությամբ տրանսպորտային միջոց վարելը՝ առաջացնում է տուգանքի նշանակում սեփականատիրոջ կամ տիրապետողի նկատմամբ՝ սահմանված նվազագույն աշխատավարձի քսանապատիկի չափով:

«Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի 1-ին մասի համաձայն՝ Հայաստանի Հանրապետության տարածքում շահագործվող տրանսպորտային միջոցները Հայաստանի Հանրապետության օրենսդրությամբ սահմանված կարգով ենթակա են տեխնիկական զննության:

Նույն հոդվածի 2-րդ մասի 4-րդ կետի համաձայն՝ թողարկման տարեվից հաշված՝ 10-ից ավելի տարվա արտադրության թեթև մարդատար ավտոմոբիլներ, բեռնատար տրանսպորտային միջոցներ, ուղևորի մինչև 8 նստատեղ ունեցող բեռնաուղևորատար տրանսպորտային միջոցներ, կցորդներ (կիսակցորդներ), մոտոցիկլեր (բացառությամբ սույն մասի 2-րդ կետով նախատեսված տրանսպորտային միջոցների)՝ տարին մեկ անգամ:

ՀՀ ոստիկանության ՃՈ էլեկտրոնային ռեգիստրից կատարված քաղվածքի համաձայն «Կիա» մակնիշի 36 ՍՊ 538 հաշվառման համարանիշի տրանսպորտային միջոցի տեխնիկական գննում անցած լինելու վերաբերյալ տվյալներ առկա չեն:

Տրանսպորտային միջոցների տեխնիկական գննության միասնական շտեմարանից կատարված քաղվածքի համաձայն «Կիա» մակնիշի 36 ՍՊ 538 հաշվառման համարանիշի տրանսպորտային միջոցի տեխնիկական գննում անցած լինելու վերաբերյալ տվյալներ առկա չեն:

Վարչական բողոքարկման վարույթի ընթացքում ուսումնասիրման է ենթարկվել ներկայացված 0148042 համարի փաստաթղթի լուսապատճենը և պարզվել է, որ այն չի համապատասխանում «Հայաստանի Հանրապետության ոչ ընդհանուր օգտագործման տրանսպորտային միջոցների պարտադիր տեխնիկական գննության անցկացման և պարտադիր տեխնիկական գննության փաստաթղթին /կտրոնին/ ներկայացվող պահանջները և շրջանառության կարգը հաստատելու մասին» ՀՀ կառավարության 2011 թվականի մարտի 31-ի 350-Ն որոշման պահանջներին:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով:

Այսպիսով՝ համադրելով գործում առկա ապացույցները գտնում եմ, որ դիմողի արարքում առկա են «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 25.03.2022թ. կայացված թիվ 8200135094 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:

Պետի տեղակալ,
ոստիկանության գնդապետ՝



Ա. Մաթևոսյան